

Munagurengo laminak

Bizkaian, Zornotzatik Gernikarako bidean, Gorozika izeneko auzo bat dago. Bertan, Zugastietatik gora, tontor batean, Munaguren esaten zaion etxe zabal bat ageri da. Etxeak, aldameneko parietatik oso gertu, putzu bat dauka, Lamia-putzu izenekoa.

Putzuaren erdian sahats txiki bat dago. Diotenez, haren adarretan laminak egoten omen ziren eserita ilea orrazten.

Putzura norbait inguratzen zenean, laminak laster batean jaisten omen ziren sahatsaren adar gainetik putzura, eta han gordetzen omen ziren.

Esaten dutenaren arabera, sahats hartako adarretan edukitzen omen zuten lixiba¹ eskegita.

Behin, Munagurengo emakume batek, bere etxean izara falta zegoela eta laminek nahi adina izango zutela pentsatuz, izara bat lapurtu zien. Gauean, lamina, bere izara lapurtu zutela ohartzean, haserre bizian Munagurengo atarira joan zen, eta atea etengabe eta bortizki jotzen zuen bitartean, esaten omen zuen:

*Munagurengo atso ausarta,
itxuli nire izara.*



Munagurengo etxeakoandreak, ordea, "Aspertuko da!" esaten omen zuen.

Baina zarata eta eskaera hura gauero entzuten zen etxe atarian. Azkenean, emakumeak izara eman egin omen zion.

—Har ezazu zure izara hau, eta utzi zarata egi-teari.

Orduan laminak, eskerrak emanez, erantzun zion:

—Ez da inoiz lihorik faltako etxe honetan.

Eta hala izan zen. Ordutik aurrera, etxe hartan nahi adina izara izan zuten, eta ez zuten lapurtu beharrik izan.

Resurrección María AZKUE
Gure ipuinak
Hiria

¹lixiba: batera garbitzen den arropa multzoa.

1. Adierazi baieztapenak zuzenak (Z) ala okerrak (O) dire.

- a Laminak zuhaitzaren adar artean gordetzen ziren, ingurura norbait hurbiltzen zenean. ☐
- b Munagurengo andreak hasieran ez zien kasurik egin laminaren oihuei. ☐
- c Munagurengo etxeakoandreak laminei beldurra zielako itxuli zien izara. ☐
- d Laminei esker, aurrerrantzean Munagurengo etxean beti izan zituzten izarak. ☐

2. Adierazi zein pertsonatan dago kontatua istorioa.

3. Adierazi osatutako hitzak elkartuak ala eratorriak diren.

- a etengabe
- b bortizki
- c etxekoandre
- d gauero

4. Bilatu testuan hitzen sinónimo bana eta

- a gerturatu
- b ezkutatu
- c gailur
- d ostu

5. Bereizi perpaus bakunak (B) eta konposatuak (K).

- a Gorozika auzoa Zornotzatik Gernikarako bidean dago. ☐
- b Putzura norbait inguratzen zenean, laminak laster batean jaisten omen ziren. ☐
- c Laminak, eskerrak emanez, erantzun zion... ☐
- d Ordutik aurrera, etxe hartan ez zuten lapurtu beharrik izan. ☐

6. Aukeratu ondo idatzitako hitza.

- a. Buruandia / Buruhandia
- b. Lusea / Luzea
- c. Haitza / aitzia
- d. Hezurra / ezurra
- e. Beltsa / beltza

- f. Hobea/ ohea
- g. Ameztu / amestu
- h. Handia / andia
- i. Itza / Hitza